



## **Universitätsbibliothek Paderborn**

**Francisci Toleti S. R. E. Cardinalis Svmma Casvvm  
Conscientiæ, Sive De Instrvctione Sacerdotvm Lib. VII**

**Toledo, Francisco de**

**Coloniæ Agrippinæ**

77. alias 82. De homicidio lingua perpetrato.

**urn:nbn:de:hbz:466:1-40916**

tur; & hic est casus prior, c. quæsum, & hoc homicidium est casuale, sed voluntarium, quod maximè adnotandum quod quidam non aduerterunt: nam quod aduenit ex proportione, aut negligentia studiosa, non est præter voluntate nec est casuale.

Tertio modo, quando in lecto iuxta parentes positi, abs opprimuntur dormientibus, citra voluntatem eorum, tunc fuerunt negligentes committendo, quia per actum eorum occisi sunt; & hic est casus can. consulisti. 2. quæst. & sufficit quæcunque negligentia, etiamsi darent operam licetæ, & bona intentione id facerent, tenentur de quæst. negligentia.

#### *De homicidio lingua perpetrato.*

#### C A P V T LXXXII.

**H**Aec tenus de homicidio, quod factò committitur, locutus sumus, tam voluntario, quam necessario, & casuali, nunc de eo, quod lingua fit (hoc enim vocabulo Doctores utuntur) agendum est: nam quantum ad irregularitatē attinet, nō solum homicida est, qui per se occidit, aut mordet, sed qui alios ad occidendum, vel mutilandum inducit, mandato consilio, aut defensione; his enim tribus modis homicidium linguae committitur, vt habetur can. si quis viduat. d. 50. & cap. 2. de cl. pug. in duel. circa quæ tria sunt consideranda. Vnum est, in quo Doctores conueniunt, nempe, nisi interueniat homicidium factò, numquam solius linguae homicidium inducere irregularitatem; qui enim mandat, aut consilium, aut opem fert, & defendit, vt homicidium fiat, si non perpetratur homicidium factò, non incurrit irregularitatem.

Alterum est, hæc homicidia linguae committi in homicidio voluntario, necessario, & casuali, in unoquoque enim horum, qui aliquid horum trium facit, nempe consulere, mandare, aut defendere, irregularis est, quod qualiter fiat, explicabitur statim.

Tertium est maximè memoriae mandandum, nimirum non semper eandem irregularitatem contrahere homicidiam linguae cum homicida facti, id est, non qui consulit, mandat, aut defendit homicidiam voluntarium, est ipse homicida voluntarius, nec qui consulit, mandat, aut defendit necessarium, ipse est necessarius, si militer de casuatu: sed sèpè contingit, ut homi-

homicida linguae sit irregularis vnius speciei, & homicida facti sit alterius, imo aliquando homicida linguae est irregularis, non autem facti, quod ijs, quae dicemus, notum fiet, aliqua tamen exempla nunc proponam.

Primo, iudex iuste occidi mandat reum dignum morte, & est irregularis ex defectu; tamen si minister occidit animo vindictæ, est irregularis ex delicto. Similiter clericus consulit laico occidere bannitum, laicus iuste occidit, tanquam minister publicus iustitiae; tamen clericus inique consulit, aut mandat, aut iuuat, quia prohibitum est id clericis; unde ille irregularis ex defectu, hic vero ex delicto est. Similiter unus se defendens occidit, non est irregularis; at qui consulit, aut mandat, irregularis est, imo respectu eiusdem homicidij, qui mandat, est uno modo irregularis, & qui consulit, altero modo: nam iudex iuste mandat interfici malefactorem: at persona Ecclesiastica delinquit consulendo iudici, ut occidi faciat, & ille ex defectu, hic ex delicto est irregularis.

#### De irregularitate ex mandato.

#### CAPVT LXXXIII.

**A**ggregiamur ergo singula homicidia linguae explanatione, incipientes ab homicidio, quod fit mandato. Qui mandat alteri, ut occidat, aut mutileat, vel aliquid, unde procedat mors, aut mutilatio, irregularis est, cap. si quis viduam, dist. 30, quod quando, & quomodo fiat, sequentibus dictis explanatur; est enim aduentendum, aliquando mandantem non esse irregularis, etiam si sit irregularis mandatarius; aliquando est contrario, mandantem esse irregularis, non autem mandatarius; aliquando utrumque esse irregularis. Præterea mandantem aliquando ex defectu, & voluntarium, aliquando voluntarium ex delicto, aliquando a casu. Hæc omnia ordine exponenda sunt.

In primis sunt casus, in quibus mandans non est irregularis, etiam si mandatarius sit.

Primò, legum conditores, qui statuunt in eis poenam malefactoribus, non sunt irregulares, etiam si iudicantes, & poenam mortis secundum leges inflictentes sint irregulares. ita habet Archid. 23. q. 5. can. officia. ubi cap. sam adfert, quia, qui tales condunt leges, & præcepta, non intendunt homines oc-

cidere,

